



تاریخ وادستان

۱۳۳۶ هـ



بر کون بیلنیر قیمتی مجموعه ملک اما
پاک چوق آرانیر اورتده مجموعه بولمنز

ایتدک شرف خدمت اجدادی فراموش
آمارینه اسلافوک رغبت اولمنز

واکال ایلمشدم . و خاطر مده فالایغنه کوره بوندن بش آلتی سنه مقدم
از میر، انقره، بالیکسیر کبی بعض ولایات والوید غزته لریله ده اشر اولمشدی .
جودت بک افتدی حضرت تلرینک معلوب حدت اول مقام حقنده کی شو
اعلان مؤخر لرینه بر جواب مقدر و مقدم اولدیغندن هم تسدیس و هم
تخمیس ناجیزانه مک نظر اطلاع عالی لرینه عرضی مناسب کوره رک
ایکی سنی ده صبره ایله بو محله درج ایدیورم . الباقی هو الله .

یاور سلطان سلیم . ن حضرت تلرینک بیت شاهانه لرینک تسدیس

زده در بوملتک مردان همت پیشه سی

زده در بوامتک شیر ترپانک پیشه سی

زده در بوکشورک فرهاد صاحب تیشه سی

میکشان نخوتک بیک پاره اولسون تیشه سی

ملتده اختلاف و تفرقه اندیشه سی

کوشه قبرمده حتی بی قرار ایلر بی

حضرت سلطان سلیم خان کیم جهان کراریدر

نور قلب صفدران پروانه دیداریدر

سام ورستلر بون پنجه قهاریدر

امته شاهانه بر نطق حیت کاریدر

ملتده اختلاف و تفرقه اندیشه سی

کوشه قبرمده حتی بی قرار ایلر بی

اتحاد ایلر سه برملت سلیمانلق بودر

تختگاه معرفت اوستنده سلطانلق بودر

مهربانلق ، کشور آراق ، نکیبانلق بودر

اختلاف ایجادینه سعی ایتمه حیوانلق بودر

ملتده اختلاف و تفرقه اندیشه سی

کوشه قبرمده حتی بی قرار ایلر بی

شاهد اولسون اشتها روض و آسمان لوح و قلم

روح مسعود پیمبر چار یار محترم

اندیاء و اوایا ارواح اخیار امم

اتحاد ایتمزسه بر مات آکا ملت دیم

ملتتمده اختلاف و تفرقه اندیشه سی

کوشه قبرمده حتی بی قرار ایلر بی

اتحاد اینمکله بر مات جهانپیرا اولور

اتحاد اینمکله بر مات حکم فرما اولور

اتحادی قطردنک دهشتنا دریا اولور

اختلاف اربابی ذلت کسبایدن رسوا اولور

ملتتمده اختلاف و تفرقه اندیشه سی

کوشه قبرمده حتی بی قرار ایلر بی

ای وطن سن بر مقدس موقع شاهانه سک

ای وطن سن جنت اعلا ده برکاشانه سک

ای وطن سن کوثر و طوبا یاننده خانه سک

ای وطن سن اختلاف اربابه بیکانه سک

ملتتمده اختلاف و تفرقه اندیشه سی

کوشه قبرمده حتی بی قرار ایلر بی

هپ سنکچون ای وطن کوکلم هزاران غم چکر

هپ سنکچون یاسه مستغرق اولور ماتم چکر

هپ سنکچون جام صهبایه مقابل سم چکر

هپ سنکچون محنت اندر محنت عالم چکر

ملتتمده اختلاف و تفرقه اندیشه سی

کوشه قبرمده حتی بی قرار ایلر بی

مرد وزنله ایملک ذوق و سفاهت ایش دکل

کردش بی درپی اقداح عشرت ایش دکل

کیفنه نفس لئیک صرف غیرت ایشرد دکل
ملکی اعمار الملکدن بشقه خدمت ایشرد دکل

ملتتمده اختلاف وتفرقه اندیشه سی
کوشه قبرمده حتی بی قرار ایلر بی
بر وصیت ایلور اجرا او سلطان جلیل
برحمیت ایلور ایفا او شیر بی عدیل
اختلاف وتفرقه بر ملتی ایلر ذلیل
طوتمیان بوپند کرا ارانه بی اولسون خجیل

ملتتمده اختلاف وتفرقه اندیشه سی
کوشه قبرمده حتی بی قرار ایلر بی
حیله وتزویر وانواع سفاهت الویرر
ارتکاب ذلت وتړک حمیت الویرر
رشوت وکذب وریا یغما وغارت الویرر
اختلاف وتفرقه حرص ودنائت الویرر

ملتتمده اختلاف وتفرقه اندیشه سی
کوشه قبرمده حتی بی قرار ایلر بی
عالمک لایقیدر غصب ایلک اموالی
هیچ دوشونمزسک یتیمک بیکسک احوالی
بویله می تأمین ایدرسک امتک اقبالنی
محو ایدرسک ملتک آمال استقبالی

ملتتمده اختلاف وتفرقه اندیشه سی
کوشه قبرمده حتی بی قرار ایلر بی
اتحاد ایتمزسه بوندن بویله ده اهل وطن
جان ویررکن آه وفریاد ایلرم حسرتله بن
چاک اولور قبرمده ده دست تأثرله کفن
ایلرم دار بقای کندیعه بیت الحزن

ملتحمده اختلاف و تفرقه اندیشه سی

کوشه قبرمده حتی بی قرار ایلر بی

جمله دولتر ترقی ایلور هرماه و سال

بز تدنی اوزره یز هرکون ندر یارب بو حال

اشته ایش میدانده انکار ایتمه یا هو عبرت آل

الویرر تعیین و ترفیع ایتمده بومکرو آل

ملتحمده اختلاف و تفرقه اندیشه سی

کوشه قبرمده حتی بی قرار ایلر بی

ایلسون بوملتک افرادی یارب اتحاد

ای (امیری) محو و مقهور اولسون ارباب فساد

مستدام اولسون بوامت ارتقا ایتسون بلاد

اتحادی سیر ایدوب اولسون بوملت بر مراد

ملتحمده اختلاف و تفرقه اندیشه سی

کوشه قبرمده حتی بی قرار ایلر بی

یاوز سلطان سلیم خان حضرتلرینک دیگر مصراع

شاهانه لرینک تخمییسی

ملتک هر حالی شمدی اشکبار ایلر بی

فکر ابنای وطن حیرت نثار ایلر بی

اعتراض اهل غفلت بی قرار ایلر بی

اختلاف امته باقدججه زار ایلر بی

اتحاد ایتمزسه ملت داغدار ایلر بی

حضرت سلطان سلیم خان غضنفر اقتدار

غالب اعظم جهانگیر فریدون اشتهار

صفدر حیدر وغادر شهسوار روز کار

ایتدی اخلافه بوکرتارانه نطقی یادکار

اتحاد ایتمزسه ملت داغدار ایلر بی